



## **Universitätsbibliothek Paderborn**

### **Cvrsvs Theologici ...**

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. II. De variis Nominibus Dei.

**urn:nbn:de:hbz:466:1-13718**

ut pote qui claras Dei species, aliaque ad intuitivam & quidditativam Dei cognitionem efficiendam non habent.

**VIII.** Secunda Conclusio: Possunt homines per voces à se institutas, res, tum spirituales, tum corporeas, quidditativè, imò & comprehensivè Angelis significare. Hanc Conclusionem negat Suarez citatus, qui universim docet, non posse vocem significavam ad placitum, rem ullam intuitivè cuiquam aut quidditativè, sed obscurè tantum & imperfectè significare; nec enim, inquit, vox clarissim audienti rem significare potest, quam imponens intelligat.

**IX.** Contrarium tamen exstimo probabilius, & ad illud P. Suarezii fundamentum fusè respondi Disp. 42. Log. sc̄t. 6. & 7. ostendique, vocem significavam ad placitum, posse cognitionem, speciebus, quas in audience invenit, proportionatam progenitare, & cum causâ perfectiori perfectiore, non per accidens, sed per se producere effectum. Unde si Joannes alicui ex supremis Angelis nominet Petrum, aut unum quenquam ex infimis Angelis, poteris supremus ille Angelus ad quidditativam, imò & comprehensivam Petri, & infimi, illius Angeli notitiam ex vi hujus vocis excitari.

**X.** Tertia Conclusio: Hoc tamen non obstante, existimo, non posse vel à viatoribus, vel beatissimis nomen Deo imponi, quod eum ulli omnino, etiam beatissimis quidditativè significet. Unde hoc sensu Deus est ineffabilis. Est contra Autatores primæ sententiae num. 5. relatos, & P. Arriagam hic, Disp. 14. num. 2. & 3. ubi non à Beatissimis tantum, sed etiam à viatoribus nomen Deo imponi posse affirmat, quod cum quidditativè significet. Ratio conclusionis est, quia visio beatifica (qua sola esse potest cognitione quidditativa Dei) non procedit ab habitu, vel specie arbitrio nostro subjectis, & quibus, sicut aliis speciebus & habitibus, ut possimus pro libito, sed omnino necessariò fluit à lumine gloriae & specie increata, quam proinde intermittere nunquam potest beatus, sicque excitari per vocem aliquam nequit, aut per signum ad placitum.

**XL.** Dices primò cum P. Arriaga citato: ad hoc ut vox cuiquam significet, non esse opus, ut in eo excitet cognitionem, quam audiens non habet rei per eam significat: sicut, inquit, licet actum cognitionis de Rege, si tamen quis tecum de eo loquatur, illumque mihi nominet, vox illa, Regem mihi significat. Respondetur tamen negando antecedens: si enim antea habebat cognitionem quidditativam alicuius rei, & vox haec nec illam, nec aliam quidditativam illius cognitionem excitet, manifestum videtur, non significare rem illam quidditativè, nullum quippe habet hujusmodi effectum.

**XII.** Ad illud de Rege dico, vocem Rex à loquente prolatam, stante priore cognitione de Rege, novum in audience actum & attentionem circa Regem excitare, sicque nil mirum si Regem ei significet. Unde, idem etiam hic existimo de beato; si enim ei quis nominet Deum, novum circa Deum actum elicet, non tamen quidditativum, sed extra verbum, & inferioris ordinis. Deinde, per hunc eveniens actum reflexè cognitum, novit, rem per vocem Deum significatam, illi objecto esse conformem, quod videt intuitivè: hic tamen novus actus, nec intuitiva Dei cognitione est, nec quidditativa. Et per haec patet ad id quod respondet Vasquez citatus, Disp. illa 57. num. 2.

**XIII.** Alter respondet Fasolus num. 15. ait enim in primo instante beatitudinis, posse ex occasione hujus vocis Deus in aere formata, & à Petro ex. gr. auditæ, posse, inquam, Deum dependenter ab hac

voce à Petro percepta, visionem beatificam primò in ejus anima producere, quam alioqui statuissent denter à ve- ce Deus, hic non producere: ergo in hoc casu vox Deus à Petro tamen nos intellecta excitabit eum ad videndum Deum, & significaret. quidditativum de illo conceptum eliciendum. Ne- gatur tamen consequentia: ad hoc enim ut vox ali- Quid ad ea exter- ca externa ad actum intellectus excite, debet id ex vi significacionis præstare, ita ut connaturalis quædam subordinatio inter actum auditum, quo vox illa percipitur, & actum intellectus inde orti inter- cedat, non ut sit conditio merè extrinseca, ut hic contingit: Deus namque, sicut ad hanc vocem Deus, visionem beatificam in hoc casu producit, ita pari ratione, si vellet, producere illam posset ad vocem formicæ, simili modo in aere formatam; ergo vox formicæ significare posset Deum quidditativem, quod nemo dicit.

Hic ergo primus modus est quo Deus est Ineffabilis; nempe, quod nulla vox dari possit, qua quidditativam ejus cognitionem in audience excite, ut jam declaratum est; quamvis imperfecto quodam modo de eo loquarum, variaque ad eum, sive, & ex ejusque perfectiones exprimendas nomina forme- mus, de quibus sc̄t. sequente. Alio modo Deus est Ineffabilis, quasi extensivè, quod nimurum per quantumvis longum & prolixum sermonem, etiam in infinitum protensum, natura ejus & excellencia pro dignitate declarari nunquam possit, omnesque ejus perfectiones explicari. Quo sensu dixit S. Leo Sermon, quartus de Passione: *Divina considerationis ma- teria, ex eo quod ineffabilis est, fandi tribuit faculta- tem, nec potest desiccare, quod dicatur, dum non potest esse satius, quod dicitur.*

## SECTIO SECUNDA:

### De variis nominibus Dei.

**Q**UARES primò: Utrum quædam nomina deo dicantur propriè? Notandum, ly Propriè duobus modis accipi, vel prout opponitur Metaphorico, sicut cum Deus dicitur *Leo*, *Agnus*, *Lapis angularis* &c. vel quod non dicit aliquid cum creaturis commune, qualia non sunt nomina *Sapien- tia*, *Misericordia*, *Iustitia* &c. hæc quippe, non Deo tantum, sed Angelis etiam, & hominibus conve- niunt. Dico itaque, utroque modo nomina quædam de Deo affirmari propriè: qua enim perfectio- nes Deo intrinsecas denotant, propriè illi, & non metaphorice competunt: illa etiam nomina, qua singulares Dei excellentias important, qualia sunt nomen *Deus*, *Trinitas* &c. ita Deo propria sunt, ut creaturis omnino non convenient. Hæc vero nomina, *Omnipotens*, *Onniscius*, *Incomprehensibilis*, & similia, utroque modo de Deo propriè dicuntur, & prout proprium opponitur Metaphorico, & pro- ut dicit aliquid cum creaturis non commune.

Quares secundò: Utrum aliqua nomina dicantur de Deo substantialiter? Respondeo affirmati- vè, illa nimurum omnia, qua prædictum aliquod Deo intrinsecum significant: quicquid enim in Deo est, substantiale est, in quo nimurum, ut suprà often- sum est, nulla sunt, vel esse possunt accidentia.

Quares tertio: Utrum è contra nomina que- dam de Deo dicantur accidentaliter. Accidentaliter sumitur duplificiter: primò, ut id sit quod contingenter; & hoc sensu, actus omnes liberi Deum denominant accidentaliter, cum illos poterit non habere. Alio modo & magis propriè, dicitur acci- dentale id, quod alicui advenit, realiter ab illo disting.

*Varia Dei  
Nomina ac-  
cidentalia.*

distinctum, quale nihil in Deo reperitur. Unde nomina accidentalia solummodo proveniunt Deo à rebus ei extrinsecis, ut est Nomen, seu Denominatio Creatoris, Redemptoris, Domini, Iudicis, Remuneratoris &c. si sumantur in actu secundo, & pro virtute exercitata; si enim sumantur in actu primo, seu pro potentia creandi, remunerandi &c. sunt nomina substantialia, juxta dicta numero praecedente.

*IV.  
Omnia Dei  
nomina non  
sunt synoni-  
ma.*

Quæres quartus: Utrum omnia Dei nomina sint Synonima? Respondeatur negativè, maximè in nostrâ sententia, qui suprà disp. 4 sect. 2. diximus nec Essentiam in Attributis, nec Attributa in Essentiâ, nec unum Attributum in alio formaliter includi, imò & unum Attributum posse, etiam objectivè, ab alio præcindi. Unde licet à parte rei omnia realiter sint idem, cum tamen nomina iis imponantur, non ut sunt in re, sed prout substanti diversis conceptibus, & hi nunc unum Attributum representent, nunc aliud in sententiâ precisiones objectivas admittente, aut totum concipiunt in ordine ad diversa connotata, in alterâ sententiâ, sicut conceptus objectivi non sunt synonimi, ita nec forma-

les, ac proinde neque nomina, quæ ad conceptus formales consequuntur.

Quæres quinto: Utrum nomen aliquod imponi possit Deo & creaturis commune univocè; seu, quod cùdem recidit, utrum dentur prædicta quædam univoca, abstracta à Deo & creaturis? Quæstionis hujus resolutio ab iis pendet, quæ in dialeticâ tradi solent, de Analogia Entis. Cùm ergo ibi Disp. 40, sect. 3. dixerim, solam transcendentalium constitutam Analogiam, sequitur, præter unum prædicatum Entis, reliqua omnia, ut Substantia, Vivens, Spiritus, &c. Deo cum creaturis communia, esse univoca, & consequenter nomina hos conceptus exprimita erunt similiter univoca.

*Multa Deo  
& creaturis  
sunt com-  
munia uni-  
vocè.*

Prae aliis Dei Nominibus, tria à sanctis Patribus maximè celebrantur, Deus, Qui est, & Nomen illud Tetragrammaton; quod, quo pacto pronuncianendum sit, est incertum, licet vulgo Iehova dici soleat. Hæc tria, simul cum aliis Dei Nominibus, declarat S. Hieronymus Epist. 136. S. Thomas etiam hic, q. 13. a. 8. 9. 10. & 11. tria ista Nomina inter se comparat, & de iis fusè disputat. Sed hæc pro instituto nostro sufficiunt.

*VI.  
Tria præci-  
pua Dei  
Nomina.*

## DISPUTATIO XXII.

### De Scientia Dei.

**H**ACTENVS de Attributis negativis dictum est, Utrumquid Deus non sit potius, quam quid sit declaravimus. Nunc ergo Divina Natura penitus inspicienda, positivæque ejus perfectiones ac proprietates declarandæ. Hæc porro ut plurimum numerantur tres, Scientia, Voluntas, & Potentia, ad quas veluti ad fontes & origines, cetera omnia reducuntur. De his proinde, eâ, qua per rerum gravitatem fas est, brevitate, suo ordine agemus.

#### SECTIO PRIMA.

##### Vtrum in Deo sit Scientia.

*I.  
Et si te,  
naturali  
lumine con-  
stat dari in  
Deo Scien-  
tiam.*

**S**CIENTIAM Deo quisquis denerat, mundi oculum extinguit, ex quoque omnia casui, ac temeritati, stolidâ fatigante exponit. Hanc itaque in Deo reperi, & Fides docet, & lumine naturali demonstratur: èdem quippe claritate & certitudine quâ constat Numen esse, quod Universum hoc crevit ac gubernat, constat etiam Scientiâ eum & Sapientiâ esse instrutum, sine qua nimis nec rebus hisce prospicere, nec ullum prudentis moderatoris obire munus potest.

*II.  
Ratio est,  
quia Deus  
res variis  
Scientiâ  
præditas pro-  
ducit, est  
in se Ens om-  
nium perfe-  
ctissimum.*

Probatur primò: Deus namque res intellectu & Scientiâ præditas producit: quis ergo sanæ mensis cum his carere afferret? Ratio vero à priori est: Deus siquidem Entium omnium Ens est nobilissimum & perfectissimum; ergo omnis in eo reperi debet perfectio sine imperfectione, seu simpliciter simplex, ut loquuntur Theologi: sed intelligere & scire sunt perfectiones, quæ nullam in se involvunt imperfectionem: ergo. Quare appositi ad rem hanc S. Augustinus in illa verba Psalmi; Dominus seit cogitationes hominum: Non habet, inquit, unde audiat, qui tibi fecit unde audias? Ipse non seit qui te

fecit scire? Et, si tu nescis cogitationes Dei, quoniam justæ sunt, ille tamen scit cogitationes hominum, quoniam vana sunt.

Clarissime veritatem hanc variis locis testatur Scriptura: sic Job 21. v. 22. dicitur: Nunquid Deum docebit quipham Scientiam? Item Ecclesiastici 23. v. 28. Oculi Domini multò plus lucidiores sunt super solem: circumspicientes omnes vias hominum, & profundum Abyssi, &c. Tandem, hæc & alia uno verbo complectens Apostolus exclamat: O altitudo divitiarum sapientia, & scientie Dei, &c.

*III.  
Deum ha-  
bere scien-  
tiā, scit  
testatur  
Scriptura.*

Quare tanquam delirium rejiciendum est somnum illud Averrois, afferentes, Deum creaturarum Scientiam non habere, ne scilicet ex rerum vilissimarum conspectu vilesceret divinus intellectus. Sed hoc, ut dixi, est aperte contra lumen naturæ: quid enim magis absolum, quam auctor ac moderatorem Universi cæcum constituere: maximè, cum apud omnes in confessio sit, Opus naturæ esse opus Intelligentie.

*IV.  
Male de  
Scientia Dei  
loquitur  
Averroës.*

Quare, dum S. Hieronymus in cap. 1. Abacuc, Deo indignum esse affirmat, tantum Majestatem ad hoc deducere, ut sciat per momenta singula, quos nascentur, quot moriantur culices, & alia hujusmodi: solum vult, non habere Deum Scientiam illam practicam, seu speciale curam, & providentiam, circa res hæc, quam habet de hominibus, quos ordinat ac dirigit ad finem supernaturalm. Quo sensu dixerat antea Apostolus: Nunquid de bonis v. 9. cura est

*V.  
Explicatio  
dicti cuiusf-  
dam S. Hier-  
onymi cir-  
ca Dei scien-  
tiā.*